

Wir wogen vns durch malfortun
Des kumen wir zu land gar kum
Durch Scyllam / Syrtim / vnd Charibd
Vnd sint gantz vß dem rechten triß
Des ist nit wunder / ob ouch wir
Im mer sehen vil wunder thier
Als Selpnyen vnd Syrenen
Die syngen vns süß Cantylenen
Vnd machen vns als vast entschlossen
Das vnser zu lend ist keyn hoffen
Vnd müssen sähen vmb vnd vmb
Cyclopem mit dem ougen krumß
Dem doch Vlysses das vß stach
Das er vor wißheyt inn nit sach
Vnd im keyn schaden zu möcht fügen
Sann das er bröllen dett vnd lügen
Glich wie eyn ochs / dem würt ein streich
Nit mynder der wise von jm weich
Vnd ließ inn schrygen / grynen / weynen /
Soch warff er noch mit grossen steynen
Das selb oug wechßet jm wider ser
Wann er ansicht der narren her
So spert ers vff / gen inn so witt
Das man sunst sicht jm antlytt nüt
Sin mul spatzert zu beyden oren
So mit verschluckt er manchen doren
Die andern die jm schon entrynne
Der würt Antypates doch ynne
Mit sym volck der lästrygonum
Die gont erst mit den narren vmb

